

卷十

書名 [唐詩品彙九十卷]拾遺十卷 嘉靖十六年序刊本
 撰者 明 高棟 輯
 卷 卷十
 內容分類 集-總集-各代-唐
 索書號 集部-總集-35
 編號 D7841100

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本文影像資料庫 索書號: 集部-總集-35

漢籍善本文影像資料庫文本 [唐詩品彙九十卷]拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙卷之一

五言古詩

正始上

太宗皇帝 五首

幸武功慶善宮賦

上所生之宮也貞觀六年幸之宴從臣賞賜間

里同漢沛宛帝歡甚賦詩起居郎呂才
 彼之管絃為功成慶善樂名九功之舞

丘唯舊跡豐邑乃前基
 粵子承累聖縣弧亦在茲

際逢運改提劍鬱匡時
 指麾八荒定懷柔萬國夷

盛入款駕海亦來思
 單于陪武帳日逐衛文螭

竚袞朝四岳無為任百司
 霜節明秋景輕冰結水湄

新寧高棟編

陳陶 紀唐夫 李群玉 司馬扎 皮日休
張喬 李中 羅隱 周朴 唐彥謙 韋莊

翁綬 韓喜

增入原係摘句今全載

閔朝隱 岑參 錢起 劉長卿 李嘉祐

韓翃 盧綸 司空曙 嚴維 耿漳 賈島

許渾 杜牧 趙嘏 李頻 韋莊 張泌

譚用之 杜甫

唐詩品彙拾遺卷之十

李義府 五首

奉和春日幸望春宮

東城結宇瞰千尋北闕迴輿具四臨
麗日祥烟承翠輦輕萋弱草藉衣簪
秦商重沓雲巖近河渭縈紆霧壑深
謬接鴛鴦陪賞樂還欣魚鳥遂飛沉

人日重燕大明宮恩賜綵綾人勝應制

詰旦行春上苑中憑高却下大明宮
千年執象寰瀛泰七日為人慶賞隆
鐵鳳曾騫搖瑞雪銅鳥細轉入祥風
此時朝野歡無筭此歲雲天樂未窮

興慶池侍宴應制

神池泛濫水盈科。仙蹕紆餘步。輦過縱棹回。泔萍溜
合開軒。眺賞麥風和。潭魚在藻欣。游泳谷鳥含。櫻入
賦歌寄謝乘槎溟海客。匣頭來此問天河。

侍宴安樂公主山莊應制

金輿玉輦背三條。水閣山樓望九霄。野外初迷七聖
道。河邊忽覩二靈橋。懸冰滴滴依虬箭。清吹泠泠雜
鳳簫。向晚平陽歌舞合。前溪更轉木蘭橈。

奉和春初幸太平公主南莊應制

平陽館外有仙家。沁水園中好物華。地出東郊迴日
御。城臨南斗度雲車。風泉韻遶幽林竹。雨霰光搖雜
樹花。已慶時來千億壽。還言日暮九重賒。

邵昇一首

奉和同前附

沁園佳麗奪蓬瀛。翠壁紅泉繞上京。二聖忽從鸞殿
幸。雙仙正下鳳樓迎。花含步輦空開出。樹雜帷宮盡
裏成。無路乘槎窺漢渚。徒知訪卜就君平。

韋元日二首

奉和立春遊苑迎春

灞浹長安恒近日。殷正臘月早迎新。池魚戲葉仍含
凍。宮女裁花已作春。向苑雲疑承翠幄。入林風若起
青蘋。年年斗柄東無限。願挹瓊觴壽北辰。

奉和春日幸望春宮

九重樓閣半山河，四望韶陽春未賒。
侍蹕妍歌臨灞浹，留觴艷舞出京華。
危萍競捧中衢日，戲馬爭銜上苑花。
景色歡娛長若此，承恩不醉不還家。

崔湜 一首

奉和同前

澹蕩春光滿曉空，逍遙御輦入離宮。
山河降望雲天外，臺樹參差烟霧中。
庭際花飛錦綉合，枝間鳥轉管絃同。
卽此歡娛齊錫宴，唯應率舞樂薰風。

薛稷 一首

奉和同前

附

九春風景足林泉，四面雲霞敞御筵。
花鏤黃山繡作，草圖玄灞錦為川。
飛觴競醉心迴日，走馬爭看眼著鞭。
喜奉仙遊歸路遠，直論行樂不言旋。

李適 二首

奉和春日幸望春宮

玉輦金輿天上來，花園四望錦屏開。
輕絲半拂朱門柳，細纈全披畫閣梅。
舞蝶飛行飄御席，鶯歌度曲繞仙杯。
聖詞今日光輝滿，漢主秋風莫道才。

侍宴安樂公主山莊應制

平陽金榜鳳凰樓，沁水銀河鸚鵡洲。
綵仗遙尋丹壑裏，仙輿暫幸綠亭幽。
前池錦石蓮花豔，後嶺香鑪桂葉秋。
貴主稱觴萬年壽，還輕漢武濟汾遊。

崔日用 二首

奉和春日幸望春宮

東郊芳物正薰馨，素澹鳧鷖戲綠汀。
鳳閣斜通平樂觀，龍旂直逼望春亭。
光風搖動蘭英紫，淑氣依遲柳色青。
滑浦明晨脩禊事，群公傾賀水心銘。

人日燕大明宮恩賜采綵人勝應制

新年宴樂正東朝，鍾鼓鏗鏗大樂調。
金屋瑤篁開寶勝，花牋綵筆頌春椒。
曲池苔色冰前液，上苑梅香雪裏飄。
宸極此時飛聖藻，微臣竊抃預聞韶。

馬懷素 二首

春日幸望春宮

絲珥瑤輿俯碧潯，行春御氣發皇心。
搖風細柳縈馳道，映日輕花出禁林。
通野園亭開帝幕，連堤草樹狎衣簪。
謬參西掖霑羌酒，願沐南薰解舜琴。

人日燕大明宮恩賜采綵人勝

萬宇千門平日開，天容辰象列昭回。
三陽候節金為勝，百福迎祥玉作杯。
就暖風光偏着柳，辭寒雪影半藏梅。
何幸得參詞賦職，自怜終乏馬卿才。

武平一 一首

興慶池侍宴應制

銜輿羽駕直城隈，帳殿旌門此地開。
皎潔靈潭圖日月，參差畫舸結樓臺。
波搖岸影隨橈轉，風送荷香入

酒來願奉聖情歡不極長遊春漢幾昭回

張說二首

侍宴隆慶池應制

靈池月滿直城隈黼帳天臨御路開東沼初暘疑吐
出南山曉翠若浮來魚龍百戲紛容與鳧鷖雙舟較
沂洄願似金堤青草馥長承瑤水白雲杯

奉和春日出苑遊囑應令

禁林豔裔發青陽春望逍遙出畫堂雨洗亭臯千畝
綠風吹梅李一園香鶴飛不去隨清管魚躍翻來入
綵航睿賞歡承天保定道文更覩日重光

蘇頌一首

贈彭州權別駕

雙流脉脉錦城開追餞年年往復迴祇道詞謠迎半
刺徒聞禮數揖中台黃鶯急轉春風盡班馬長嘶落
景催莫愴分飛岐路別還當奏最掖垣來

萬楚一首

驄馬

金絡青驄白玉鞍長鞭紫陌野遊盤朝驅東道塵恒
滅暮到河源日未闌汗血每隨邊地苦蹄傷不憚隴
陰寒君能一飲長城窟為盡天山行路難

張謂二首

西亭子言懷

數叢芳草在堂陰。幾處閑花映竹林。樹上玄猿呼郡吏。沙邊白鳥應家禽。青山看景知高下。流水聞聲覺淺深。官屬不令拘禮數。時時緩步一相尋。

春園家宴

南園春色正相宜。少婦同行少婦隨。竹裏登樓人不見。花間覓路鳥先知。櫻桃解結垂簷子。楊柳能低入戶枝。山簡醉來歌一曲。參差笑殺郢中兒。

已上係初唐盛唐之詩

劉長卿 六首

觀校獵上淮西相公

龍驤校獵邵陵東。野火初燒楚澤空。師事黃公千載

後身騎白馬。萬人中笳隨晚吹。迎邊草箭沒寒雲。落塞鴻三十擁旄。誰不羨周郎少小立奇功。

漢陽獻李相公

退身高卧楚城幽。獨掩閑門漢水頭。春草雨中行逕沒。暮山江上捲簾愁。幾人猶憶孫弘閣。百口同乘范蠡舟。早晚却還丞相印。十年空被白雲留。

北歸入至德州界。偶逢洛陽隣家李光宰。生涯心事已蹉跎。舊路依然此重過。近北始知黃葉落。向南空見白雲多。炎州日日人將老。寒渚年年水自波。華髮相逢俱若是。故園秋草復如何。

溫湯客舍

冬狩溫泉歲欲闌宮城佳氣晚宜看湯熏仗裏千旗
暖雪照山邊萬井寒君門獻賦誰相達客舍無錢輒
自安且喜禮闈秦鏡在還忖妍醜赴春官

登松江驛樓北望故園

淚盡江樓望北歸田園已陷百重圍平蕪萬里何人
去落日千山空鳥飛孤舟漾漾寒潮小極浦蒼蒼遠
樹微白鷗漁父徒相待未掃挽槍懶息機

上巳日越中與鮑侍御泛舟若耶溪

蘭橈萬轉望汀沙應接雲峯到若耶舊浦遠來移渡
口垂楊深處有人家永和春色千年在曲水鄉心萬
里賒君見漁船時借問前洲幾路入烟花

鮑防一首

人日陪宣州范中丞傳正與范侍御傳真

宴東峯亭

人日春風綻早梅謝家兄弟看花來吳姬對酒歌千
曲秦女留人酒百杯絲柳向空輕婉轉玉山看日漸
徘徊流光易去歡難得莫厭頻頻上此臺

顧况一首

送大理張卿

春色依依傷解携月卿今夜泊隋堤白沙洲上江籬
長綠樹村邊謝豹啼遷客本來無倚仗故人相去隔
雲泥越禽唯有南枝分目送歸鴻飛向西

李嘉祐 一首

招隱寺送閻判官還江州

離別那逢秋氣悲，東林更作上方期。
共知客路浮雲外，暫愛僧房墜葉時。
長江九派人歸少，寒嶺千重鴈度遲。
借問潯陽在何處，每看潮落一相思。

即士元 二首

送郴縣裴明府之任兼充宣慰

白蘋楚水三湘晚，芳草秦城二月初。
連鴈北飛看欲盡，孤舟南去意何如。
渡江野老思求瘼，候館郴人憶下車。
別後天涯何所寄，故交惟有袖中書。

送李敖湖南書記

憐君才與阮家同，掌記能資亞相雄。
入楚豈忘看淚竹，泊舟應自愛江楓。
誠知客夢烟波裏，肯厭猿鳴夜雨中。
莫信衡湘書不到，年年秋鴈過巴東。

奉送杜相公益昌路作

春半梁山正落花，台衡受律向天涯。
南去猿聲傍雙節，西來江色遶千家。
風吹畫角孤城曉，林映蛾眉片月斜。
已見廟謀能喻蜀，新文更喜報金華。

包何 二首

和程負外春日東郊即事

即官休浣憐遲日，野老歡娛為有年。
幾處折花驚蝶夢，數家留葉待蚕眠。
藤垂苑地縈珠履，泉長侵堦浸

綠錢直到閉閉朝謁去鶯聲不散柳含烟

同閻伯均宿道觀有述

南國佳人去不回洛陽才子更須媒綺琴白雪無情
棄羅幌清風到曉開冉冉脩篁依戶牖迢迢列宿映
樓臺縱令奔月成仙去且作行雲入夢來

盧綸五首

宿定陵寺

古塔荒臺出禁墻磬聲初盡漏聲長雲生紫殿幡花
濕月照青山松栢香禪室夜聞風過竹莫延朝啓露
沾裳誰悟威靈同寂滅更堪砧杵發昭陽

訓金部王郎中省中春日

南宮樹色曉森森雖有春光未有陰鶴侶正宜芳景
引玉人那為簿書沉山含瑞氣偏當日駕逐輕風不
在林更有阮郎迷路處萬株紅樹一谿深

和王負外冬夜寓直

高步長裾錦帳郎居然自是漢賢良潘岳叙年因鬢
髮楊雄託諫在文章九天韶樂飄寒月萬戶香塵裊
夜霜坐見重門儼朝騎可憐雲路好翱翔

奉和太常王卿訓李舍人中書寓直春夜

對月見寄

露如輕雨月如霜不見星河見鴈行虛暈入池波自
泛滿輪當苑桂偏香春臺幾望黃龍闕雲路寧分白

玉郎是夜巴歌應金石豈殊螢影對清光

洛陽早春憶吉中學校書司空曙主簿因

寄清江上人

值迥逢高駐馬頻雪晴閑看洛陽春鶯聲報遠同芳
信柳色邀歡似故人酒貌昔將花共豔髮毛今與草
爭新年來百事皆無緒唯與湯師結淨因

司空曙一首

閑園即事寄陳公

欲就東林寄一身尚憐兒姪未成人柴門客去殘陽
在藥圃虫喧秋雨頻近水方同梅市隱曝衣多笑阮
家貧深山蘭若何時到羨與閑雲作四隣

耿湣一首

同李端春望

二毛羈旅尚迷津萬井鶯花雨後春宮闕參差當晚
日山河迤遞靜纖塵和風醉裏承恩安芳草歸時失
意人南北東西各自去年年依舊物革新

李端一首

送馬尊師

南入商山松路深石林溪水晝陰陰雲中採藥隨旌
節洞裏耕田映綠林直上烟霞空舉手迴經丘壠自
傷心武陵花木應長在願與門人更一尋

崔峒三首

慶州見鄭表新詩因以寄贈

梅花嶺裏見新詩，感激情深過楚詞。
平子四愁今莫比，休文八詠自同時。
萍鄉露冕真堪惜，鳳沼鳴珂已訝遲。
才子風流難定見，湖南春草但相思。

贈元祕書

舊書稍稍出風塵，孤客逢秋感此身。
秦地謬為門下客，淮陰徒笑市中人。
也聞阮籍尋常醉，見說陳平不
久貧。幸有故人茅屋在，更將心事問情人。

送馮八將軍奏事畢歸滑臺幕府

五門別後到滄洲，帝里相逢俱白頭。
自歎馬卿常帶疾，還嗟李廣不封侯。
棠梨宮裏瞻龍袞，細柳營中着

虎裘。想到滑臺紫葉落，黃河東注杏園秋。

苗發一首

送孫諭德罷官往黔州

孫公先牧此州
因寄家在彼

中歲分符典石城，兩朝趨陛謁承明。
闕下昨陳歸老疏，天南今切去鄉情。
親知握手三回別，杖扶身萬里行。
伯道暮年無嗣子，欲將家事托門生。

釋靈三首

送王穎悟佐歸州

集作歸左縣

客意天南興已闌，不堪言別向仙官。
夢搖玉佩隨旌節，心到金華憶杏壇。
荒郊極望歸雲盡，瘦馬長嘶落日殘。
想得故山青靄裏，泉聲入夜獨潺潺。

哭衛尚書

畫戟重門楚水陰。天涯欲暮共傷心。南荆雙履痕猶在。北斗孤魂望已深。蓮花幕下悲風起。細柳營邊曉月臨。前路茫茫向誰問。感恩空有淚沾襟。

項王廟

緬想咸陽事可嗟。楚歌哀怨思無涯。八千子弟歸何處。萬里鴻溝屬漢家。弓斷陣前爭日月。血流垓下定龍蛇。拔山力盡烏江水。今古悠悠空浪花。

釋護國一首

傷蔡處士

篋中遺草是琅玕。對此空令洒淚看。三逕尚餘行跡

在。數螢猶是映書殘。晨光不借泉門曉。暝色唯添壠樹寒。欲問皇天天更遠。有才無命說應難。

釋清江一首

送車叅軍江陵

一作韋叅軍

槐花落盡柳陰清。蕭索涼天楚客情。海上舊山無的。信東門歸路不堪行。身隨幻境勞多事。跡學禪心厭有名。公子道存知不棄。欲依劉表住南荆。

釋法震一首

送韓侍御自使幕巡海北

微雨過山夜洗兵。繡衣遙拂海風清。幕中運策心猶苦。馬上吟詩卷已成。離亭不惜花源醉。古道猶看蔓

草生因說元戎能破敵，高歌一曲隴關情。

張南史 一首

江北春望贈皇甫補闕

閑園柳綠井桃紅，野迳荒墟左右通。
清迥獨連江水北，芳菲更似洛城東。
時看雨歇人歸岫，每覺潮來樹起風。
聞道金門堪濟世，何須身與海鷗同。

朱灣 二首

尋隱者韋九於東溪草堂

尋得仙源訪隱淪，漸來深處漸無塵。
初行竹裏唯通馬，直到花間始見人。
四面雲山誰作主，數家烟火自為鄰。
路傍樵客何須問，朝市如今不是秦。

送李司直歸浙東慕蕪寄鮑參軍持節大

夫初拜東平郡王

翩翩書記早曾聞，三十年來願見君。
今日相逢悲白髮，同時幾許在青雲。
人從北固山邊去，水到西陵渡口分。
會作王門曳裾客，為余前謝鮑參軍。

戴叔倫 一首

奉酬盧端公飲後贈諸公見示之作

佐幕臨戎旌旆間，五營無事萬家閑。
風吹楊柳漸拂地，日映樓臺欲下山。
綺席開留上客朱門半掩擬重關。
當時不敢辭先醉，誤逐群公倒載還。

武元衡 一首

南徐別業早春有懷

生涯擾擾竟何成，自愛深居隱姓名。
遠鴈臨空翻夕照，殘雲帶雨過春城。
花枝入戶猶含潤，泉水侵階乍有聲。
虛度年華不相見，離鄉懷土併關情。

權德輿一首

哭張十八校書

芸閣為郎一命初，桐州寄傲十年餘。
竟隨逝水歸何處，名在新詩衆不如。
嗟咤江浦生華髮，牢落寒原會素車。
更憶八行前日到，含悽為報秣陵書。

劉禹錫五首

贈日本僧知寂

浮杯萬里過滄溟，遍禮名山適舊扃。
深夜降龍潭水黑，新秋放鶴野田青。
身無彼我那懷土，心會真如不讀經。
為問中華學道者，幾人雄猛得寧馨。

送義舟師却還黔南

黔江秋水浸雲霓，獨泛慈航路不迷。
後狃窺齋林葉動，驚龍聞呪浪花低。
如蓮半偈心常悟，問菊新詩手自携。
常說摩圍似靈鷲，却將山屐上丹梯。

奉送浙西李僕射赴鎮

建節東行是舊遊，歡聲喜氣滿吳州。
邵人重得黃丞相，童子爭迎郭細侯。
詔下初辭温室樹，夢中先到景陽樓。
自憐不識平津客，遙望旌旗汝水頭。

送李尚書鎮滑州

自浙西觀察使拜兵部侍郎月餘有此拜也

南徐報政入文昌東郡須才別建章
視草名高同蜀客擁旄年少勝荀郎
黃河一曲當城下緹騎千重照路傍
自古相門還出相如今人望在岩廊

送李庚先輩赴選

一家何啻十朱輪諸父雙飛秉大鈞
曾脫素衣參幕客却為精舍讀書人
離筵洛水侵杯色征路函關向晚塵
今日山公舊賓主知君不負帝城春

揚巨源一首

長安春遊

鳳城春報曲江頭上安年年是勝遊日暖雲山當廣

陌天清絲管在高樓龍葱樹色分仙閣
縹緲花香泛御溝桂壁朱門新邸第
漢家因澤問薜侯

王建一首

上陽宮

上陽花木不曾秋洛水穿宮處處流
畫閣紅樓宮女笑玉簫金管路人愁
幔城入澗橙花發玉輦登山桂葉稠
曾讀列仙王母傳九天未勝此中遊

釋廣宣四首

賀幸普濟寺應制

南方寶界幾由旬八部同瞻一佛身
寺壓山河天宇靜樓懸日月鏡光新
重城柳暗東風暖複道花明上

苑春向晚鶯豔歸鳳闕曲江池上動青蘋

安國寺隨駕幸興唐觀應制

東隣何獻是西隣禪客垣墻接羽人萬衆遊仙宗有
道三車引路本無塵初傳寶訣長生術已證金剛不
壞身兩地同脩天上事共瞻鶯鶴重來巡

紅樓院應制

紅樓疑見白毫光寺逼宸居福盛唐支遁愛山情漫
切曇摩泛海路空長經聲夜息聞天語爐氣晨飄接
御香誰謂此中難可到自憐深院得徊翔

再入道場紀事應制

南方歸去再生天內殿今年異昔年見闕乾坤新定

位看歸日月更高懸行隨香輦登仙路坐近爐烟講
法筵自喜恩深陪侍從兩朝長在聖人前

已上係中唐之詩

朱慶餘 二首

送饒州張使君

白頭為郡清秋別山水南行豈覺賒楚老只應思入
境吳門從此去移家館依高嶺分樟葉路出重江見
葦花務退惟當吟咏苦留心曾不在天涯

送浙東周判官

久宜從事滄江外誰謂無官已白頭來備戎裝嘶數
騎去持丹詔入孤舟蟬鳴驛道殘陽樹鷺起潮田片

雨秋到日重陪丞相宴鏡湖新月在城樓

白居易一首

夜宿江浦聞元九改官因寄此什

君遊丹陛已三遷我泛滄浪欲二年
劔佩曉趨双鳳闕烟波夜宿一漁船
交親盡在青雲上鄉國遙拋白日邊
若報生涯應笑殺芋種畝田

李紳一首

初出淝口入淮

東風五日雪初晴淝口水開好濯纓
野老擁途知意重病夫拋郡喜身輕
人心莫厭如弦直淮水長憐似鏡清
回首夕嵐山翠遠楚郊烟樹隱菘城

賈島一首

送胡道士

短褐身披瀆野苔靈溪深處觀門開
却從城裏携琴去許到山中寄藥來
臨水古壇秋醮罷宿杉園鳥夜飛
回丹梯願逐真人上日夕歸心白髮催

張祐一首

揚州法雲寺双檜

謝家双植本圖榮樹老人亡地變更
朱頂鶴知深蓋偃白眉僧見小枝生
高臨月殿秋雲影靜入風簷夜雨聲
縱使百年為上壽綠陰終借暫時行

薛逢一首

醉中聞甘州

老聽笙歌亦解愁，醉中因遣合甘州。
行追赤嶺千山外，坐想黃河一曲流。
日暮豈堪征婦怨，路傍能結旅人愁。
左綿刺史心先死，淚滿朱絃催白頭。

溫庭筠四首

利州南渡

澹然空水帶斜暉，曲島蒼茫接翠微。
波上馬嘶看棹去，柳邊人歇待船歸。
數叢沙草群鷗散，萬頃江田一鷺飛。
誰解乘舟尋范蠡，五湖烟水獨忘機。

過五丈原

鐵馬雲騅久絕塵，柳陰高壓漢營春。
天清殺氣屯關

右夜半妖星照渭濱，下國卧龍空寤主。
中原逐鹿不由人，象床寶帳無言語。
從此譙周是舊臣。

法雲寺双檜

晋朝名輩此離羣，想對濃陰去住分。
題處尚尋王内史，畫時應是顧將軍。
長廊夜靜聲疑雨，古殿秋深影似雲。
一下南臺到人世，晚泉清籟更誰聞。

宿松門寺

白石青崖世界分，卷簾孤坐獨氛氲。
林間禪室春深雪，潭上龍堂夜半雲。
落日蒼涼登閣在，曉鍾搖漾隔江聞。
西山舊是經行地，願漱寒瓶逐領軍。

趙嘏六首

送僧歸廬山

禪棲忽憶五峯遊。去着方袍謝列侯。經啓樓臺千葉
曙。錫含風雨一枝秋。題詩片石侵雲在。洗鉢香泉覆
菊流。却憶前年別師處。馬嘶殘月虎溪頭。

贈天卿寺神亮上人

師不下寺
已五年

五看春盡此江濱。花自零風日自曛。空有慈悲隨物
念。已無蹤跡在人群。迎秋日色簷前見。入夜鍾聲竹
外聞。笑指白蓮心自得。世間煩惱是浮雲。

降虜

廣武溪頭降虜稀。一聲寒用怨金微。河湟不在春風
地。歌舞空裁雪夜衣。鐵馬半嘶邊草去。狼烟高映塞

鴻飛揚雄尚白相。如吃今日何人從獵歸。

平戎

時諫官論北虜未回天德
軍師請脩城備之

邊聲一夜殷秋聲。牙帳連烽擁萬蹄。武帝未能忘塞
北。董生終足使膠西。水橫曉渡胡兵合。雪滿窮沙漠
騎迷。自古平戎有良策。將軍不用倚雲梯。

宿楚國寺有懷

風動菰荷寂寞香。斷烟殘月共蒼蒼。寒生晚寺波搖
碧。紅墮疎林葉滿床。起鴈似驚南浦棹。陰雲欲護北
樓霜。江邊松菊荒應盡。八月長安夜正長。

早發剡中石城寺

暫息勞生樹色間。平明機慮又相閑。吟辭宿處烟霞

去心負秋來水石閑竹戶半開鐘未絕松枝靜霽鶴
初還明朝一倍堪惆悵迴首塵中見此山

陳陶一首

旅泊塗江

烟雨南江一葉微松潭漁父夜相依浙沙鴈起金精
出孤嶺猿愁木客歸楚國柑橙勞夢想丹陵霞鶴聞
音微無因得似滄溟叟始憶離巢已倦飛

紀唐夫一首

驄馬

連錢出塞蹋沙蓬豈比當時御史驄逐北自諳深磧
路連嘶誰念靜邊功登山每與青雲合弄影應知碧

草同今日虜平將換妾不如羅袖舞春風

李群玉一首

玉真觀

高情帝女慕乘鸞紺髮初簪玉葉冠秋月無雲生碧
落素藥含露出清瀾層城烟霧將歸遠浮世塵埃久
住難一自簫聲飛去後洞宮深掩碧瑤壇

司馬札一首

曉過伊水寄龍門僧

龍門樹色暗蒼蒼伊水東流客恨長病馬獨嘶殘夜
月行人欲渡滿船霜幾家烟火依村步何處漁歌似
故鄉山下禪庵老師在願將形後問空王

皮日休 一首

題潼關闌若

潼津罷警有招提，近百年無戰馬嘶。壯士不言三尺劍，謀臣休道一丸泥。昔時馳道洪波上，今日宸居紫氣西。閑吏不勞重借問，棄繻生擬入耶溪。

張喬 二首

書邊事

萬里沙西寇已平，犬羊羣外築空城。分營夜火燒雲遠，校臘秋鵬掠草輕。秦將力隨胡馬竭，蕃河流入漢家清。羗戎不識干戈老，滇賀明時聖主明。

題宣州開元寺閣

誰家烟徑長莓苔，金碧虛欄竹上開。流水遠分山色斷，清猿時帶角聲來。六朝明月惟詩在，三楚空山有鴈迴。達理始應盡惆悵，僧閑應得話天台。

李中 一首

經古觀有感

古觀寥寥枕碧溪，偶思前事立殘暉。添園化蝶名空在，柱史猶龍去不歸。丹井泉枯苔鎖合，醮壇松老鶴來稀。回頭因嘆浮生事，夢裏光陰疾若飛。

羅隱 三首

東歸途中作

松橘蒼黃覆釣磯，早年生計近年違。老知風月終堪

恨貧覺家山不易歸別岸客帆和鴈落晚程霜葉向
人飛買臣嚴助精靈在應笑無成一布衣

湘中見進士喬誦

吳中臺下別經秋破虜城邊暫駐留一笑有時堪解
夢數年無故不同游雲牽楚思橫魚艇柳送鄉心入
酒樓且酌松醪依舊醉誰能相見向春愁

燕昭王墓

戰國蒼茫難重尋此中蹤跡想知音強停別騎山花
晚欲弔遺魂野草深浮世近來輕駿骨高臺何處有
黃金因思郭隗平生事不殉昭王若負心

周朴一首

哭李端

此詩疑非周朴之作

三年前拂感知音哭向青山未夜心竹在曉烟孤鳳
去劍荒秋水一龍沉新墳日落松聲小舊宅春殘草
色深不及此時親執紼石門遙想淚沾襟

唐彥謙一首

新豐

沛中歌舞百餘人帝業功成里巷新半夜素靈先哭
楚一星遺火下燒秦貉貅掃盡無三戶鷄犬歸來識
四隣惆悵故園前事遠曉風長路起埃塵

韋莊一首

悼亡姬

鳳去鸞歸不可尋十洲仙路彩雲深若無少女花應
老為有姮娥月易沉竹葉豈能銷積恨丁香空解結
同心湘江水闊蒼梧遠何處相思弄舜琴

翁綬一首

折楊柳

紫陌金堤映綺羅遊人處處動離歌陰移古戍迷芳
草花帶殘陽落遠波臺上少年吹白雪樓中思婦斂
青蛾殷勤攀折贈行客此去關山雨雪多

韓喜一首

松

倚空高樹冷無塵往事閑徵夢欲分翠色本宜霜後

見寒叢偏向月中聞啼猿想帶蒼山雨歸鶴應和紫
府雲莫向東園競桃李春光還是不容花

已上係晚唐之詩

閻朝隱一首

奉和春日幸望春宮

勾芒人面乘兩龍道是春神衛九重綵勝年年逢七
日醪醑歲歲滿千鍾宮梅間雪祥光遍城柳含烟御
氣濃醉到君前情未盡願因歌舞自為容

岑參一首

送李司馬

柳隼鶯嬌花復殷紅亭綠酒送君還到來函谷秋中

月歸去磻溪夢裏山簾前春色應須惜世上浮名好
是閑西望鄉園腸欲斷對君衫袖淚痕斑

錢起 二首

送孫十

飛花落絮滿河橋千里鄉心送客遙不惜芸香染黃
綬惟怜鴻羽下青霄雲衢有志終驥首吏道無媒且
折腰急管繁絃催一醉頽陽不駐引征鑣

半日村

半日吳村帶晚霞閑門高柳亂飛鷗橫雲嶺外千重
樹流水聲中一兩家愁人昨夜相思苦閨月今年春
意餘自嘆梅生頭似雪却怜潘令縣如花

劉長卿 一首

賦得

鶯啼燕語報新年馬走龍飛路幾千家住層城臨漢
苑心隨明月到胡天機中錦字論長恨樓上花枝笑
獨眠為問元戎寶車騎何時返旆勒燕然

李嘉祐 一首

送從弟永

一官萬里向千溪水宿山行漁浦西日晚長烟高岸
近天寒積雪遠峰低芦花渚裏鴻相叫苦竹叢邊猿
暗啼聞道慈親倚門待到時蘭葉正萋萋

韓翃 二首

送客歸江州

東歸復得來真游江水迎君日夜流客舍不離青雀
舫人家多住白鷗洲風吹山帶遙知雨露濕荷裳已
報秋聞道泉明居止近藍輿相訪會淹留

送人歸南陽

都門霽後不飛塵草色淒淒滿路春雙兔坡東千室
吏三鴉水上一歸人愁眠客舍衣香滿走渡河橋馬
汗新少婦北來多遠望應知^口嬉子上羅巾

送鄭員外

風流不減杜陵詩五十為郎未是遲孺子亦知名下
上樂人爭唱卷中詩身齊吏部還多醉心宦尚書自

有路要看知己在不應窮巷久低眉

盧綸一首

酬金部王郎中省中春日見寄

南宮樹色曉森森雖有春光未有陰鶴侶正宜芳景
引玉人那為簿書泥山含瑞氣偏當日鶯逐輕風不
在林更有阮郎迷路處萬株紅樹一溪深

司空曙二首

靈雲寺

春山古寺遠滄波石磴盤空鳥道過百丈金身開翠
壁萬龕燈焰隔烟蘿雲生客到侵衣濕花落僧禪覆
地多不與方袍同結社下歸塵世竟如何

九日登高

詩家九日憐芳菊
逐客高齋瞰浙江
漁浦浪花搖素壁
西陵樹色入秋窓
木奴向熟懸金實
素落新開瀉玉缸
四子醉時爭講德
笑論黃霸屈為邦

耿湜一首

許州書情

謫宦軍城老更悲
近來頻夜夢丹墀
銀盃乍滅中心火
金鑷唯多兩鬢絲
遶履綠苔聞鴈屢
滿庭黃葉閉門時
故人高步雲衢上
肯念前程杳未期

賈島一首

寄韓愈

此心曾與木蘭舟
直到天南潮水頭
隔嶺篇章來華岳
出關書信過龍流
峯懸驛路殘雲斷
海浸城根老樹秋
一夕瘴烟風卷盡
月明初上浪西樓

許渾十三首

贈茆山高拾遺

諫獵歸來綺季歌
大茆峰影滿秋波
山齋留客掃紅葉
野艇送僧披綠莎
長覆舊圖碁勢盡
遍添新品藥名多
雲中黃鶴日千里
自宿自飛無網羅

南康阻陟

晴灘水落漲虛沙
灘去秦吳萬里賒
馬上折殘江北柳
舟中開盡嶺南花
離歌不斷如留客
歸夢初驚似

到家山鳥一聲人未起半床春月在天涯

早發天台

來住天台天姥間欲求真訣駐衰顏星河半落岩前
寺雲霧初開嶺上関舟壑樹多風浩浩碧溪苔淺水
潺潺可知劉阮逢人處行盡深山又是山

別劉秀才

三献無功王有瑕更携書劍客天涯孤帆夜別瀟湘
雨廣陌春期樗杜花燈照水螢千點滅棹驚灘鴈一
行斜関河萬里秋風急望見鄉山不到家

靈山寺

西巖一迳不通樵八十持盃未覺遥龍臥石潭聞夜

雨雁移沙渚見秋潮經函露濕文多暗香印風吹字
半銷應笑東歸又南去越山無路水迢迢

李韶州移改郴州

詔移丞相木蘭舟桂水潺湲嶺北流青漢夢歸双闕
曙白雲吟過五湖秋恩廻玉宸人先喜道在金滕世
不憂聞說公卿盡南望甘棠花暖鳳池頭

飛泉觀

西巖泉落水容寬靈物蜿蜒異處蟠松葉正秋琴韻
響菱花初曉鏡光寒雲開星月浮山殿雨過風雷繞
石壇仙客不歸龍亦去稻畦長滿此池乾

朝臺送客

趙佗西拜已登壇馬援南征土宇寬越國舊無唐印
綬蠻鄉今有漢衣冠江雲帶日秋偏熱海雨隨風夏
亦寒嶺北歸人莫回首蓼花楓葉萬重灘

訓錢汝州

白雪多隨漢水流謾勞旌旆晚悠悠笙歌暗寫終年
恨臺榭潛消盡日憂鳥散落花人自醉馬嘶芳草客
先愁怪來雅韻清無敵三十六峯當庾樓

元正

高揭雞竿闕帝閣祥風微暖瑞雲屯千官共削姦臣
迹萬國初銜聖主恩宮殿雪華齊紫閣闕河春色到
青門華夷一軌人方泰莫學論兵誤至尊

贈鄭處士

道傍年少莫矜誇心在重霄髮未華揚子可曾過北
里魯人何必敬東家寒雲曉散千峯雪暖雨晴開一
迳花且賣湖田釀春酒與君書劔是生涯

贈房明府

帝城春榜謫靈仙四海聲華二十年闕下書功無後
輩卷中文字掩前賢官閑每喜江山靜道在寧憂兩
露偏自笑小儒非一鶚亦趨門屏莫相憐

京口閑寄

吳門烟月昔同遊楓葉蘆花並客舟聚散有期雲北
去浮沉無計水東流一尊酒畫青山暮千里書來碧

樹秋何處相思不相見鳳城宮闕楚江樓

杜牧一首

西江懷古

上吞巴漢控瀟湘。想似連山淨鏡光。魏帝縫囊真戲
劇。符堅投箠更荒唐。千秋釣舸謠明月。萬里沙鷗弄
夕陽。范蠡清塵何寂寞。好風惟屬往來商。

齊安郡晚秋

柳暗風來影漸疎。使君家似野人居。雲容水態還堪
賞。嘯志歌懷亦自如。雨暗殘燈碁散後。酒醒孤館鴈
來初。可怜赤壁爭雄渡。唯有衰翁坐釣魚。

趙嘏一首

寒食遣懷

折柳城邊起暮愁。可憐春色獨懷憂。傷心正嘆人間
事。回首更慚江上鷗。鷓鴣聲中寒食雨。芙蓉花外夕
陽樓。憑高滿眼送清渭。去傍故山山下流。

李頻一首

下第北遊

聖代為儒可致身。誰知又別五陵春。青門獨出空歸
鳥。紫陌相逢盡醉人。江島去尋垂釣遠。塞山來見舉
頭頻。且須共漉邊城酒。何必陶家有白綸。

韋莊二首

咸陽懷古

城邊人倚夕陽樓。城上雲凝萬古愁。山色不知秦苑廢，水聲空傍漢宮流。李斯不向倉中悟，徐福應無物外游。莫怪楚吟偏斷骨，野烟蹤迹似東周。

汧陽縣閣

汧水悠悠去似緝，遠山如畫翠眉橫。僧尋野渡歸吳岳，鴈帶殘陽入渭城。邊靜不收蕃帳馬，地貧惟賣隴山鷄。牧童何處吹羌笛，一曲梅花出塞聲。

張泌一首

長安道中早行

客離孤館一燈殘，牢落星河欲曙天。雞唱未沉函谷月，鴈聲新度灞陵烟。浮生已悟莊周夢，壯志仍輸祖

逖。鞭何事悠悠策羸馬，此中辛苦過流年。

譚用之 二首

別洛下知己

金鼎光輝照雪袍，洛陽春夢憶波濤。塵埃滿眼人情異，風雨前程馬足勞。接塞蛾眉通蜀險，過山仙掌倚秦高。別來無限幽求子，應笑區區味六韜。

感懷

十年流落賦歸鴻，誰傍昏衢駕燭龍。竹屋亂烟思梓澤，酒家疎雨夢臨邛。千年別恨調琴懶，一片年光覽鏡慵。早晚休歌白石爛，放教歸去卧羣峯。

杜甫 十二首

曲江

朝回日日典春衣，每日江頭盡醉歸。
酒債尋常行處有，人生七十古來稀。
穿花蛺蝶深深見，點水蜻蜓款款飛。
傳語風光共流轉，暫時相賞莫相違。

曲江陪鄭八丈南史飲

雀啄江頭楊柳花，鷓鴣鶻鶻滿晴沙。
自知白髮非春事，且盡芳尊戀物華。
近侍即今難浪迹，此身那得更無家。
丈人才力猶強健，豈傍青門學種瓜。

題省中壁

掖垣竹埤梧上尋，洞門對雪常陰陰。
落花遊絲白日靜，鳴鳥乳燕青春深。
腐儒衰晚謬通籍，退食遲回違

寸心。哀我曾無一字補，許身愧比雙南金。

南隣

錦里先生烏角巾，園收芋栗未全貧。
慣看賓客兒童喜，得食增除鳥雀馴。
秋水纔添四五尺，野航恰受兩三人。
白沙翠竹江村暮，相送柴門月色新。

客至

舍南舍北皆春水，但見群鷗日日来。
花迳不曾緣客掃，蓬門今始為君開。
盤飧市遠無兼味，樽酒家貧只舊醅。
肯與隣翁相對飲，隔籬呼取盡餘杯。

嚴公仲夏枉駕草堂兼携酒饌得寒字

竹裏行廚洗玉盤，花邊立馬簇金鞍。
非關使者徵求

急自識將軍禮數寬百年地僻柴門迥五月江深草
閣寒看弄漁舟移白日老農何有罄交歡

送辛員外

雙峰寂寂對春臺萬竹青青照客杯細草留連侵坐
軟殘花悵望近人開同舟昨日何由得並馬今朝未
擬回直到綿州始分手江頭樹裏共誰來

滕王亭子

君王臺榭枕巴山萬丈丹梯尚可攀春日鶯啼脩竹
裏仙家犬吠白雲間清江碧石傷心麗嫩蕊濃花滿
日班人到于今歌出牧來遊此地不知還

白帝

白帝城中雲出門白帝城下雨翻盆高江急峽雷霆
聞古木長藤日月昏戎馬不如歸馬逸千家今有百
家存哀哀寡婦誅求盡慟哭秋原何處村

詠懷古跡

支離東北風塵際漂泊西南天地間三峽樓臺淹日
月五溪衣服共雲山羯胡事主終無賴詞客哀時且
未還庾信平生寂蕭瑟莫年詩賦動江關

江陵節度使陽城郡王新樓成王請嚴侍

御判官同作

西北樓成雄楚都遠開山岳散江湖二儀清濁還高
下三伏炎蒸定有無推轂幾年惟鎮靜曳裾終日盛

文儒白頭受簡焉能賦愧似相如為大夫

將赴荆南寄別李劔州弟

使君高誼驅今古寥落三年坐劔州但見文翁能化
蜀焉知李廣不封侯路經灩澦雙蓬鬢天入滄浪一
釣舟戎馬相逢更何日春風回首仲宣樓

已上係增入原是摘句

唐詩品彙拾遺卷之十



